

TƏRKA THLIN YARAT ƧELWERA BULUS KƏ MBƏƧA KORINTIYAWECHA

Ndat Ənna

¹ Yarat Ƨelwertiya Ƨakna mbəƧengna njang Bulus, at Fara tə ngəmtə'en kə naka ləthlənda Yəso Kərəsti. PaƧ yaraki Ƨelwertiya tə hwanmanəm Sastanis.

² Nakani yarat Ƨelwertiya kə bəƧa fa tərmbanda Fara hur Korinti, tə mbəƧa fichile taƧtə fichihar a hur Yəso Kərəsti, atfichə kandə kənandə chidchid, nat tə fichile chika ayi la ak thləm Ləmwadengnəm Yəso kərəsti, Ləmwadengnanda tə inəm:

³ Kafata tə yuyurchita mbəƧa Shinnəm Fara tə Ləmwadengnəm, Yəso Kərəsti kə mbəƧengnuni.

Sət Usoko

⁴ Kənding la naki sandə Farə usoko kəthləm kunang, kəthləm kafadi Farə fərandəna kuni tə mbəƧa Kərəsti Yəso.

⁵ Chika tə mba yeni fəraƧə hurmichita kuni a fat'en, hur shuwunchegnuni tə sən'en paƧ nat,

⁶ kəthləm bəƧ ficha mbəsandə sheta engnani kə Ƨar Kərəsti a hurnuni.

⁷ Kəthləm ndəkən Ƨahwuni chika witə fər shemed muwa, nda i natuni Ƨəf hwanita Ƨata Ləmwadengnəm Yəso Kərəsti;

⁸ Le na kəskunihar tə alchita kə mweshitkən, kəthləm kə sokuni nga fa chithansarəhiwa a farə Ƨata Ləmwadengnəm Yəso Kərəsti.

9 Fara, lə nəhdandə dəfshundəhi məlan ak kuni kənuni bweet tə hwe'en Yəso Kərəsti Ləmwandengnəm.

Sakchəhi a Hur fa Tərmbanda

10 Hwanadi kuni, hwanmancha, a hur thləm Ləmwadengnəm Yəso Kərəsti ndatwa: "Natuni kə ngəmuni tə ndani mənə saktəhi sa hurnuniwa, kə humangnguni inda kəna yarengnuni əta, handəkikechengnuni pad əta."

11 Hwanmanchina mbu'i nofchi hura'a Kuluwi yu, ndatwa mbatsa thlerənuni.

12 I nati yarə ndatwa, chika wuna hurnuni mələ mbu ən somən, ndatwa: "Njang i Bulus, "Yuna ndatwa, "Njang i Afolos, "Yunə padwa, "Njang i Kefas, "Yunəwa" Njang i Kərəsti."

13 Awi a shek Kərəsti hiwa? Ndu Bulus kukwandəfichihi kəthləm kunang? Ndu sang fichi baptisma kuni hur thləm Bulus?

14 Sadi Farə usoko sawi baptisma yuna hurnuniwa, nda Kirisbus tə Gayus ndak sandi kanda,

15 Kəthləm ndəkən yunəsə na ndatwa sangfichi baptisma hur Thləmnəwa.

16 Kit a sadi baptisma nofchi hura'a Istifanus. Difitə ndəkən kudukwi ndu sadi baptisma yunə padwa.

17 Thlənu Kərəsti njiwa kə si baptisma wa, pad kə bəssi laulawata nga tə mbər sən'əna nifəwa, kəthləm mə səba fichi alchit palita Kərəsti dəwa.

Kərəsti Alchita Fara tə Sən'an'en

18 Pathla palita bomchita mbəda fichile naka mba thlərəttadi, pad kə mbədengnani kanang ti hərəkka alchita Fara.

19 Kəthləm yara fichəhi ndatwa:

"Ni wuwelandə sən'əna lə sənda di,
kə sayi dathla lə dathladi kə'en pofən."

²⁰ A ai fa dathla? A ai fa sən'icha? A ai fa halə'inda kisshi'iya? A chawu Fara kishwa dathla kisshi'iya bomchitwowa?

²¹ Sokkən a hur dathla Fara, sənu kisshitə Farə tə mbanda dathlə'enwa, mbənanɡna Farə fa kə həkəən fichile fərkəkit, tə mbəda bomchit bassə laulawatkən.

²² Keđ Yahudawechə kə nandə sakətkən, Helenawecha naknda kat dathla,

²³ kanang kana bassə Kərəsti kukwandə fichəhi, i sokka ənat chithansarəhi mbəda Yahudawecha, bomchit padđaa mbəda punofcha,

²⁴ A nakən mbəda fichile at Fara, ndu Yahudawecha ndu Helenawecha nat hwaa, Kərəsti alchita Fara tə dathla Fara.

²⁵ Kəthləm i tərtə fichəwa shid Farə bomchita, sherada dathla nifa, pad bah alchita Fara, sherada alchita nifa.

²⁶ Hwanmancha yaramən nadəngnunihi fari at fichi kuni. Nga terchənuni nak tə sən'ən witə i nifəwa; nga terchin nak tə mwandəwa, pad nga terchin ngəttə fichə nda kuturchəwa.

²⁷ Farə tadjkən i har naka bomchita kish, kəthləm kə harangfat fa dathla, tadjkə Farə i nak bukbukka hur kisshita kə harangfat fa alchita.

²⁸ Tadjkə Farə ənat kubanda fata tə i njirtə kisshita nat tə ichi nguchəksi kəthləm i la nat nofcha tərtəwa ndiichin kə saən nga'ənwa.

²⁹ Nat ichiniyu, səkən kəthləm mə təri nifə tə hwasa'inwa ən nakən a mbanitə Farə wa.

³⁰ Farə səka natuni hur Yəso Kərəsti, le sokka dathlengnəmma mbəda Fara, məllan sokka fərkəit

engnəm, chidchidchita tə hərəktengnəm.

³¹ Kəthlēm ndəkən nda i natna hur yaratkən:
"Chikawun na thla'a'ndə inda kə thla'angka hur
Ləmwanda."

2

Bassə Pathla Kərəsti le Kukwandəficha

¹ Hwanmancha, ma bēdī mbədengnuni, buwi
kəthlēm kə mbwa'aikuni i naka buḅweeta Fara, tə
mbər shunda ndu tə sən'ənwa.

² Kəthlēm tepi tirihur yahwisa sən'ən somən
naki tə kuniwa, Yəso Kərəsti ndak, le kuk-
wandəfichəhi.

³ Baki mbədengnuni hur bah alchita tə lechita,
pad tə saktatfə kaən.

⁴ Ləmfatsi ndu dathla hur shudengnə tə
ḅassengnəwa, tə chedndə alchita Shemeda,

⁵ Kəthlēm fərkitchidengnuni mənida dər sən'əna
nofchəwa, kə naka dər alchita Fara.

Sən'əna Mbəda Shemeda

⁶ Chika tə kichu, la shuwunkani sən'əna kə
mbəda fichile mwanka hur fərkit, nga sən'əna
kisshi'i nakənya ndu i kuturchi nakənya, fichile
naka thlərəttadəwa.

⁷ La nakani shuwun sən'əna Fara hur buḅweetə
yu, le naka hur buḅweetə soh, sən'əni fərtə Farə
soh kə tərka nathi kəthlēm mwadengnəm.

⁸ Hur kuturchi nakənya ngusə mbəsang
sən'əniyawa, mamuwa mbəsanda, ma
kukwawundə Ləmwandə le nak mwanchinwa.

⁹ Nda i nat yaratkəna hur laulawatkən:
"I tahsandə Fara fichilesə la mbənkəfatkən, tamu
hwanita natwa, thləmat sə tamka səktəwa,
hanndəkiketa nifəsə tamka yarandəhiwa."

10 Kanang chedandə Fara kani tə mbəda Shemed'en. Shemed la kaən chikamənat, chikamə naka hwengngəchit icha Fara.

11 Wuna hurnofcha sənka yara nifa, manga Shemedi nifəkən ti naka fi'enwa? Kichu pad nifəsə sənka yara Farə wa Shameda Farə ndak.

12 Thluwani shameda kisshitəwa, Shemedi baka mbəda Fara thlətani, kəthləm kə sənani ichi fərandə Fara kani pofən.

13 La mbwa'angani ichiya kuni, nga tə shuwunchə le sakandə fichadi tə mbəda sən'əna nifəwa tə shuwunchi sakandə fichadi tə Shameda, tə mbu i naka kitchita shameda a hur shunda Shameda.

14 Nifi nguchit Shameda fi'en thlutə ichi baka mbəda Shameda Farə wa, kəthləm nakən kə bomchita mbəd'en, pad ngu mbəlla sən kandəwa, kəthləm tə mbəda Shemed la sənəfichə kanda.

15 Nifi nat Shemedsa fi'en la sənka ichə nat, məllan tə indi'en nifəsə na kikedandəwa.

16 "Wun sənka yara Ləmwanda har natna sakandəhar?"

Kanang yarengnani i Kərəsti.

3

Shikechə Tora Fara

1 Hwanmancha, ngi mbəlla mbwa'a' əna kuni nda nofchi naktə shameda fəwa, nda nofchi naka kisshita, pad nda hangwa'yarcha hur tərmbanda Kərəsti.

2 Yah fərandə kuni nga dəsəmtə kwaakwaawa, kəthləm səkwunisa səm'an kwaakwa kwadənwa. Chika nakənya səkwunisəwa,

3 Kəthləm paaya mwakuni hur fata. Makuna sərəh ndani pad thlangətmisa thlərənuni, nga

mwakuni hur fatwowa? Dəsəchengnuni nga nda tə fatwa?

⁴ Kəthləm ma ndeɸ yunəwa, "Njang i Bulus", "Ndak yunəwa", "Njang i Afolos", Nga tor fat natuni sətyuwa?

⁵ Wun naka Afolos? Wun naka Bulus? Nga mafechəwa fichile fərtuni kit tə mbədengnanda, nda i fərandə Ləmwanda tora chikawun engnanda?

⁶ Njang həfkə hanwətəkən, thlərkə Afolos amsə, pad Farə mwanangnga.

⁷ Kəthləm ndəkən, lə həfkən tə le thlərkə amsi nga naknda mi ənwa, Farə ndak məllanti la mwanangnga.

⁸ Lə həfkən tə lə thlər amkənsi naknda ərta, chika wuna hurnanda nakficha kwanandə keeke tə tor'en.

⁹ Kəthləm kanang shikechə fa torcha Fara, kunang hita Fara, tinda Fara.

¹⁰ Tə mbəɸa kafadi fəritə Fara, a dəfi thlorə tindəhi kə lə mbər tinda, bakyuna nata chekandə tinkən kə ɸarkən. Chikawuni kə sən həbaakə tə witə tində'en.

¹¹ Kəthləm nifəsə na dəf thlorə tinda kə pəɸangka le hi ɸəftə fichəhiwa, le naka Yəso Kərəsti.

¹² Nakənya ma tin yunə kə ɸar thlorə tinkən tə zinariya, ndu tə azurfa, ndu tə ngwichə ɸiichin, ndu tə afcha, ndu tə hwelaa, ndu tə kofcha,

¹³ na tora chikawuna chetakish, kəthləm fariniyu nan chetakissha ɸwaachitkən. Nak tora chikawuna chetakish tə hwata, hwatkən na kikedandə tora chikawuni.

¹⁴ Ma tini sətficha kə ɸar thlorə tinkən hiriki iwadəwa, le tinka nan thlət kənikən.

15 Ma id torkəna di, le tinka nan sat bahta, məllan tə ində'en nan hərəktə nda nifi kuwurkə tə hur hwata.

16 Awi sənwuniwa kunang tə inčhengnuni naka kapat hura'a Farəwa, paɗ nak Shemeda Farə tə sokta a hur hanndəkikečhengnuniwowa?

17 Chikawun səbang kapat hura'a Fara di, na Fara səbandaɗi; kəthləm kapat hura'a Fara la nakən chidchid, kunang naka kapat hura'a Farəkən.

18 Mə ləmiduni inčhengnuniwa. Ma yunəsa hurnuni la yarkəwa ɗathlchin a hur kisshi'i nakənya, kə saən fat'en nda boma, kəthləm kə səka lə ɗathla.

19 ɗathla kisshi'iya bomchita mbəda Fara. Nda i natna hur yarat laulawatkən: "La kəsəən fichile nak ɗathlchin a hur ɗathlengnanda."

20 Təpaɗ: "A shin Ləmwandəwa yara fa ɗathlə nga ənwa."

21 Kəthləm ndəkən mə hupa nifə həsər tə nifəwa. Kəthləm chikamə nat innuni,

22 ndu Bulus, ndu Afolos, ndu Kefas, ndu kisshita, ndu shisshingta, ndu mətaɗi, ndu ichi nakənya, ndu ichi naka mban, nat innuni.

23 Kunang paɗ i Kərəsti, Kərəsti paɗ i Fara.

4

Fathləncha Kərəsti

1 Təkichu kəmsi kə tərūni kaniwa mafecha Kərəsti, tə fichile ngəmandə fichə kənandə tə ichi Farə naka buɓweeta.

2 Sokkən waat nifi malandə fichə ichahar kəmsi kə mbəsang fichə tə kitchita fa.

³ A mbəḁengna, hanhwan'əna kə nda fichəwa kunang na sakimiya ndu mbət sakmiya chikawun nifa. Kitchitkən, njang mangi sakamiya faḁengniwa.

⁴ A shini hur indengniwa naki yalfar, chika kichu ngu soktəwa chiwi hansarəhiwa. Ləmwandə na kikedita.

⁵ Kəthləm ndəkən mə thlaḁuni sakmihi kə ḁar yunə pofən sa'u hanmunchikən kwadənwa; pwa'ama kə farə nat Ləmwanda bəta. Məllan na chandə ichi kissha buḁweeta kə ḁwachitkən, kə chedin yara handəkikecha. A farəniyu chikawun nan thlət hamtə'ena mbəḁa Fara.

⁶ Nakənya hwanmanchina, fərki sakət ichi natya kə faḁengnə tə Afolos kəthləm kunang, kə sakuni ən tə mbəḁengnani kə ḁar shuni ndat-fichəwa: "Mə mbəraḁuni ihi yarandə fichihi hur laulawatkənwa." Mə thla'a yunə inda hurnuni kə mbərangka lehi kə ḁar yunəwa.

⁷ Wun sukə somənhi tə tahhət nofcha, mənakseku le thluchitu? Sokkənma tə thləna, məsək natu thla'a'ndə inda nda nga tə thlənəwa?

⁸ Tepi mbəshuni nat ichi yahtuni! Tepi shokuni kə hurrumcha! Tepi shokuni kuturcha nga tə kanangwa! Mayahtengna kə sokuni ka kə kuturcha, kəthləm kanang ma kə sokani kuturichitkən tə kuni.

⁹ A naḁengna ched Fara a ḁwachitkənwa, kanang fathləncha njirandə fichə kanidī kə nduk-watkən chika mi, nda nofchi thləndə fichə sakmi mərtada kandəsi, sangfichi kani kə ənəta nata kisshita, tə mala'ika cha nat tə nofcha.

¹⁰ Shokani kə bomcha Kərəsti, kunang nakuni kə fa ḁathla hur Kərəsti! Kanang fa kuḁanda

fata, kunang nakuni kwaakwaa. Ficha natkuni tē kapatichita fa, kanang nga ənnakaniwa.

¹¹ Paa kə nakənya, nakani hur mita tē kusshimta, thləthlah njelecha naka fechengnani, ficha tēpanda kani pad hurechengnanisəwa.

¹² La sani tor kaən tē harchengnani. Ma erndə kani, ndəfangani mbəs'ənhara kanda; ma fərandə pwancha kani, kərəskani.

¹³ Ma səbandə thləmchənanidi, la shunangani kandə tē kachita. Paaya sokkani nda chirəfta kisshita, i nat chikawuna wudekta.

¹⁴ Nga yaraki iya kəthləm kə harangfat kuniwa, kə tahsayi kuni nda hwanchi yahti.

¹⁵ Chikama sokkən fasakchengnunisə aru kum-chitkum (10,000) a hur Kərəsti, shinchənunisə terchinwa, kəthləm njang naka shinnuni a hur Yəso Kərəsti tē mbəda laulawata.

¹⁶ Kəthləm ndəkən nja hwanandə kuni kə sakuni nji.

¹⁷ Kəthləm ndəkən nja thləna Timoti kuni, hwe'engna le la mbəntifatkən, le nak tē kachita a hur Ləmwanda. Nan kudkanda kuni tē mbanda nadəngnəhi a hur Yəso Kərəsti, nda i soktən keeke tē i sakandi dadi chika ayi hur chika yen mbət tərmbanda.

¹⁸ Funa thla'a'ndə inda nda ngi bata mbədəngnuniwa

¹⁹ Ma ngəma Ləmwanda ni bata mbədəngnuni chetchetya, kani tausandə alchidi mbəstə fa thla'a'ndə iniyu kish tē shuwunchengnanda.

²⁰ Kəthləm kuturichita Fara nga pathla shundəwa pathla alchita.

²¹ Mə yahtunisi? Kə bi mbədəngnuni tē

kuḃwerəwa, ndu hur mbənfata paḁ tə ngwalləchit shemeda?

5

Chamən Fəlau tə Hwanmanda Kish

¹ Shikiwa fəlawichitsa hurnuni, witə le tamuchit fīcha sətə chika hur fa sət tor dəhhacha, yuna sok fəlawichit tə nuh shinkən.

² Nakuni thla'a'ndə inda! Nga kwesh sətuni səbhurwa? Chikawun sək iniyu kə chang fīcha kissha hurnuni.

³ Chika sokkən njangsə tə idengna mbənniyuwa, njang tə kuni hur handəkiketa. Tepi sakadi miya nifi sək witə iniyu, nda njangsa mbənniyu.

⁴ Ma hwimunihi a hur thləm Ləmwandə Yəso njang tə kuni mbənniyu hur handəkiketa, paḁ alchita Ləmwadəngnəm Yəso mbənniyu,

⁵ witə nifiniyu kə fəranguni Shedan kəthləm kə bəllang fīcha hur fata, mbah na shemed'ena hərəkta farə bata Ləmwandə Yəso.

⁶ Thla'a'ndə inchengnuni ndəḁuwa. Sənwuniwa, mehdə ngudehkicha la huppang humbat tahasə njohmə wowa?

⁷ Pa'amən dōhhət mehnidiyu fechengnuni, kə sokuni kə yuwa ḁokyeta le nguchit mehdəsa fī'en, kəthləm kittəkən nakuni kichu. Kəthləm teppa thlafichi burat hwan shohradəngnəm i chohhəm tala, məlan naka Kərəsti.

⁸ Kəthləm ndəkən kəsəm chohhəmtəngnəmhər nga tə dōhhət mehdəwa, mehən səbfata tə bəbifata. Kəla səm chohhəmtəngnəm tə njohmi nguchit mehdəsi, ndəkən naka njohəm kachita tə kitchita.

⁹ Yarađi kunisa hur thlən yarat delwer engna ndatwa mälla humidunihi tə fəlauchiwa.

¹⁰ Nga yarengnəwa nofchi kisshi'iya naka fəlauchiwa, tə fa yah'ichəwa, tə fa dathlanda nofchifəwa, tə fa sət tor dəhhachəwa. Kəthləm ma nakən kichu sokkən waat kə chunikissha hur kisshita.

¹¹ Yarayi kunisi mə sokiduni tə chikawun la at fichiwa hwanmanda lə tərmbanda, ma la səkən fəlawichita, ndu lə yah'icha, ndu lə mwanandə dəhhacha, ndu lə erəfata, ndu lə sat icha, ndu hara. Chika səm'ən mə səmiduni tə witə nof-chiniyuwa.

¹² Mə kəmikə tə sakamiya fichile nguchika hur tərmbanda? Nga fichile naka hur tərmbandə natuni sakamiya kandəwa?

¹³ Farə na sakamiya fichile nguchika hur tərmbanda: "Chamən bəbi nifa hurnuni."

6

Mə di Fəfərkitta Muhhanhar Ndaniwa

¹ Ma yunəsa hurnuni naka thlangətmi tə shekkən, mə dīda muhhanharkəna mbəda fa bah fərkitwa, nga kweshkən kə mbəda fa fərkitwowa?

² Awi sənwuniwa fa fərkit na sakamiya kisshitəwowa? Makunang na sakamiya kisshita, nguni mbəla sakmi ichi top-topyawowa?

³ A sənwuniwa kəmnang na sakamiya Mala'ika chiwowa? Kana cheta ichi natma soktəsa kisshi'iyal

⁴ Ma witə muhhanhar chini engnunisuyu, məsək la dətuni təkəna mbanitə fichile nguchika miya əna mbanitə fa tərmbanda?

⁵ Mbuki iniyu kəthləm kə harangfat kuni. Sokkənyawa yunəsa hurnuni ərte nak dathlchin na tahsandə thlərə fa fərkitadəwa?

⁶ Pad məsəka hwanmanda la dətəna muhhanhar hwanmankən a mbanitə fa bah fərkit?

⁷ Muhhanhar ndani ti la muhtuniyu kəttəhi mbədengnuni. Nga kweshkən kərəstuni kə nuni bəmchəwowa? Məsək nguchituni kərəstə kə dathlang fīcha kuni fa?

⁸ Kunang tə inchengnuni kuna dathlanda ndanifa kuna puppuk ndanihi, ta hwanmanchənuni la sanduni ichiniyu kanda.

⁹ Awi sənwuniwa fa bah fərkit ngunda mbəs yimta kutərīchita Farəwowa? Mə ləmi fīchi kuniwa, kəthləm fa səbtadadisi ndu fa sət tordəhhacha, ndu fa sət fəlauwichita, ndu hishchə fa che fechengnanda, ndu hishchi fa mundə tə hishcha,

¹⁰ ndu harcha, ndu fa yahta, ndu fa sat'icha, ndu fa erəfata, ndu fa dathlanda nofchəfa na mbəs mbəta hur kuturichita Farəwa.

¹¹ Nak funengnuni kichuyu. Anakən sapa fīchə kunidī, tahsafīchə kuni, chafīchə kuni kish a hur thləm Ləmwandə Yəso Kərəsti, pad tə mbədə Shemədə Farengnəm.

Mwanamən Fara tə Fechengnuni

¹² "Chikamə ngəmifichəsi", Pad nga chikamə na kəsītisəwa. "Chikamə ngəmifichəsi", Chika kichu ngi sokta mafata chikaməwa.

¹³ "Dəsəmta kəthləm hura, hur pad kəthləm dəsəmta" Farə nan thlərtandə kanda də hwaa. Su-fīchə fata kəthləm kə i fəlawichitwa, kə naka i Ləmwanda, Ləmwandə pad dāa i fata.

¹⁴ Thla'ang Farə Ləmwanda hur məmatcha tə alchit'en, pad chika kəm nan thla'a'ndə kəm.

¹⁵ Awi sənwuniwa fechengnuni njarə fata Kərəsti tə ində'enwowa? Kemsə hachiya kə hari njarə fata Kərəsti kə humayi kandə tə bəbimanda? Ngu tamtasətwə!

¹⁶ Awi sənwuniwa nifi humangfat tə bəbimanda sokkəndə fat ərta tə ndəwowa? Kəthləm nda i nat yarat laulawatkən: "Chapndəyu naknda soktə kə fat ərta."

¹⁷ Le humang fat'enhi tə Ləmwanda, sokkəndə ərta hur shemed tə ndi.

¹⁸ Rahamna fəlawichithar! Tahhət bəbichitfechi nat la sət nifa nakna kisshitə fat'en, pad le sək bəbichitfat tə mbanda fəlawichita səkən bəbichitfat kə fa fat'en.

¹⁹ Sənwuniwa fechengnuni kapat hura'a Fara le naktə Shemed Chidchid, naka a hanndəkikechengnuni, le thlətuni bəda Farə wowa? Nga nakuni tə alchit inchengnuniwa.

²⁰ Hikkə fichə kuni 'yang'yang. Kəthləm ndəkən mwanamən Farə tə fechengnuni.

7

Hafata Sok Reta

¹ Nakənya kə ichi yaratuni dərəkən, ndiichinsi hishnifə mə kahində kanwa.

² Kəthləm rahhanda fəlawichit har, chikawun hishnifə kənan tə nuhkənsi, pad chikawun nuhnifə kənan tə səmahsi.

³ Hishnifə kə fəraən i kamkəsa nuhkən i reta, nuhnifə pad kə fəraən i kamkəsa səmahha i reta.

⁴ Kəthləm nuhnifə alchit'ensə kə fa fat'en ichitkənwa, səmah ndak. Kichu pad səmah alchit'ensə kə fa fat'en ichitkənwa, nuhkən ndak.

⁵ Mə njaduni ndaniwa, kənan tə ngəmtengnuni hwaa, kə fari dəftuni kəthləm kəna hur'inchengnuni hur hwanda kanuni ngər kəmta, kəthləm mə limi shedan kuni a dar bah kərəstəwa.

⁶ Mbuki iya i kamkəsi yarandəhi, nga waatwa.

⁷ Mamuwa nansəta kəna nofchə nat nda njang. Nakən chikawun hishnifa tə i fərandə Fara, leya tə witə i fərandən leyu pad tə witə ikən.

⁸ Kə mbəda fichile kahuchikkan tə ndəllat nishcha fichile mərtə hishchengnandəyu, a kəlladengna keekesi kə soknda kahundə kanwa nda i nati.

⁹ Ma ngunda mbəla kəs fechengnandə harwa, kə kahndə kan. Kweshkən kə kah nifə kan mənə ita di tə yahta.

¹⁰ Kə mbəda fichile kəhkə kan nja ndandaku-niwa, nga njangwa Ləmwanda, ndatwa: "Nuhnifə mə sakindəhi tə səmahwa."

¹¹ Ma bəda saktəhi təndi, kə sokən kichuyu kənretsəwa, manga kichuuwa kə tahsangndə thlerənandadi tə səmahha. Hishnifə pad mə sakidəhi tə nuhkənwa.

¹² Kə mbəda tahchikən pad ndakiwa: "Nga Ləmwandə mbukəwa." Ma yunə hwanmandəsi nat nuhkən kəla bahfərkit, ngim nuhnifəkən kə sokən təndi, mə cheridəndəwa.

¹³ Ma nuhnifəsə nat səmah kə lə bahfərkit, ngim hisnifəkən kə sokən təndi, mə cheridəndəwa.

¹⁴ Kəthləm hishnifə lə bahfərkit, tahsafichə chidchid tə mbəda nuhkən, pad nuhnifə lə bahfərkit, tahsafichadi chidchid tə mbəda

səmahha. Manga kichuwa, hwechengnuni naknda nat tə putafa, nda i natən nakənya, nakndə chidchid.

¹⁵ Ma lə bahfərkittiyu yahkəsa saktəhi tə shetkən kənan kichu. A witə mbənniyu, hwanmandə kə nuhnifə ndu kə hishnifə nga waatsa sokkənwa. Kəthləm Farə akən kəm kə sok yuyurchit tə ndani.

¹⁶ Sokən nuhnifa, shinnə ndu mbahya sokən na həkandə səmatuuwa? Sokən hishnifa, shinnə ndu mbahya sokən na həkandə nuhwuwa?

Witə Soki Yahtə Ləmwandəsə Kə Sokficha

¹⁷ Chika witəmə natma hurkən, chikawun kə sokka mbədi dəftə Ləmwandəndəsi a nat'enhi, kə i at Farə ndi. Ndəkən naka mbutengna kə mbəda fəfərkit nat.

¹⁸ Wun tabkə kə heshang ficha kə fari at fichəndi? Mə sokidə kə lə bah heshiwa. Le heshuchika kə fari at fichəndi, mə kidə heshiwa.

¹⁹ Hesha tə bah hesha nga ən nakndəwa, kuwur kussa Farə ndak naka ka'əna.

²⁰ Chikawun kə nan nda i natən kə fari at Fara di.

²¹ Naku kə mafat kana ficha atsəwa? Mə kəmu ənwa. Manu bəs alchit ideku, səku tor tə mbayiniyu.

²² Chikawun naka mafata kana Ləmwanda atndi nakən kə nifi bəske alchit idi'en a Ləmwanda. Kichu pad le nguchika mafata kana ficha atndi nakən kə mafata Kərəsti.

²³ Hikkə fichə kuni 'yang'yang mə niduni mafecha nofchəwa.

²⁴ Kəthləm ndəkən hwanmancha, chika hur witə sokmə atfichə chikawuni, kə sokən kichu nda i at Farəndi, kənan tə Farə'en.

Fichæle Kahuchikkan tæ Fichile Mærtæ Hishchengnanda

²⁵ Kæ dar nishchi tamuchika kan, færiwu Læmwandæ alchit shudæ kæ darkænwa, pad naki fæ i naka yarengna kæ dar ndatwa njangti ngæmitæ fichæsi a dar shisshetfata Læmwanda.

²⁶ Ma yarengna, kæthlæm bæhhi natma hurkæn nakænya, keekesi kæ soknifæ ichitkæn nda i natæn.

²⁷ A kehnikanwa? Mæ kænæ saktæhiwa. Ma kahunikanwa, mæ kænæ nuhnifæwa.

²⁸ Ma kehnikan sunæ bæbichitfatwa, ma keh nuhhwekan sutæ bæbichitfatwa. Fichile kahkækan nanda yimta bahtæ somsomæn a nadihiya, njang tæ yahhisæ kænæn paapa'a mbædengnuni.

²⁹ I yarti hwanmancha, ndatwa hanmunchikæn nguðeh. Thlata nakænya kæ mban fichile nat nishchengnandæsi kæ sokndæ nda nguseng-nandæwa,

³⁰ Fa tita nda nga tænnda titwa, fichile naka mbænfata nda nga kanda mbænfatwa, fichile hikkæ'æna kæ nandæ nda nga ichengnandæ kæ kæsndæharwa.

³¹ Fichile naka sæt tor tæ ænat kisshita mæ dæfindæ fatsæwa. Kæthlæm kisshikæn a nadi nakænya, tæ naka mbærtæhi.

³² Yakhisi kænuni cha'a hur thlahur i'nda. Nifi kahhuchikkan nak yaræ'ena dar torcha Læmwanda, i natna sæta kæ tæraæn hura Læmwandæhi.

³³ Le kahkækan nak yaræ'ena nata dar ænat kisshita, mbayi natna sæt kæ tæraæn hura nuhkænhi.

³⁴ Pad shek hur'indæ'enhi. Nuhnifæ kahhuchikkan ndu nuhhweya nak yaræ'ena dar torcha Læmwanda, la dæfkæn indæ'en kaæn kæ mbæda Læmwanda a hur fat tæ shemedæ. Nuhnifi

kahkəkan yarə'ena ɗar ɔnat kisshita, mbayi natna sət kə tərəən hura səmahhi.

³⁵ Naki mbu ichiya kəthləm kə kəsangka kunisi, ngauwa kə ɓweshikuniwa, kəthləm soktengnuni kənaka mbandə ndiichin mə saki yarengnunihi hur mwanandə Ləmwandəwa.

³⁶ Ma yaraa yunəhiwa i natna sət kə ɗar nuhh-wani ngwantən nga keekewa, a nakən hurrecha nuhhwankəna mbərtəhi paɗ a fat'en kemsə kə kəhhəkan, kə sən kichu nda i yahtən. Nga tənə sət ɓəbichitfatwa, kə kənangndə reta.

³⁷ Nifi thlarkə kit kə ɗar yara hanndəkiketə'en ndatwa ɔnatkən nga waatwa paɗ nan mbəlla kəs ində'enhar, paɗ tira hanndəkiketə'enwa ngu kahhandə nuhhwaniyuwa, mələn ma shid̥tə i nak keeke.

³⁸ Nifi kahhang nuhhwani ngwantən shid̥ keeke, paɗ nifi kahhauchik nuhhwani ngwantən shid̥tə i kamkəsə kaən.

³⁹ Nuhnifə nakna kənda kə mbəɗa səmahha ma tana mweehi tə shishingta. Ma mir səmahha, cheda kissha sahta kə kəhhən chikawun yahtən, sokkən waat kə na hishnifəkəna i Ləmwanda.

⁴⁰ A thlandə shudəngnəhi, nan nat tə mbənfat kaən manan soktə ichitkən nda i natən. Paɗ la sikənə Shemedə Farengnəsi.

8

Dəsəmi Fərəndə Fichə Dəhhacha

¹ Nakənya pathlə dəsəmi fərəndə fichə dəhhacha: "Shinəmwa nattəm sədəngnəmsi." Səndə la ɓakən tə thla'inda, mbənfata la tinaən.

² Ma tiryunəwa shintə'əna, paaya sənə nda i kamkəsi kə sənənwa.

³ Ma yuna mbənfat Fara, shin Farə ndi.

⁴ Pathlə səm dəsəmi fərandə fīcha dəhhacha: "A shinəmwa dəhhata nga ənnakənnə kisshitəwa pad Farəsə somənwa ərtə."

⁵ Chika sokkənwa funisə la atfichəwa farəcha a Afshi ndu kisshita (nda i nat, "farəchəsə" ka'ən "shinchəsə" pad kaən),

⁶ Chika kichu a mbədengnəm Farə ərtə, le naka Shinda, ichi natya bəkna mbəd'en, nadengnəmhi kəthləm mələn. Ləmwandəsi ərtə Yəso Kərəsti, tə mbəd'en chet ichi kish natya, kəmnang pad nadengnəmhi tə mbəd'en.

⁷ Nga chikawun sənke iyawa. Funə paaya sədengnandəhi tə tor dəhhacha, la saən kandəfəwa dəsəmi la səmtənda nda i fərandəfīcha dəhhata. Kəthləm ndəkən nguchikndə kwaakwa'a hur han-ndəkiketa la təkəndəwa shibndadadi.

⁸ Dəsəmtə dütəkəm nduk tə Farəwa. Ma səmwumwa ngəma tahtəhiwa, ma shiməm ngəma chektəwa.

⁹ Kə dəfuni indəsi, mbəs thlət indengnuni mə sokida ənat chit hansarəhi mbəda fīchile nguchit alchidengnandəsi.

¹⁰ Kəthləm ma ned yunəsa le nguchik kwaakwa'a hur fərkit, sokən tə sənka sa səm'əna kətən mwanandə dəhhacha, fərauni alchit səm i tahsandə fīcha dəhhachəwowa?

¹¹ Kəthləm ndəkən hwanmani nguchik kwaakwa'a na səndeku sokta mba həmtə'enhi, le mətə Kərəsti dī kəthləm mələn.

¹² Ma shidnə bəbichitfat kə mbəda hwanmanchiwa, tə mbənniyu pad dəfau ndindita kandə kə dar bah kwaakwaa chidengnanda, tə sənə bəbichitfat kə mbəda Kərəsti.

¹³ Kəthləm ndəkən, ma səm'ən na dəf hwanyaa kə yimka hur bəbichittfata, mwawi tamta chi thlu padwa, kəthləm mə dəffidə ndə kə həmənihiwa.

9

Ichi Kamkəsə tə Tora Ləthlənda

¹ Njang mbəs thlət indengnəsəwowa? Njang nga ləthləndə nakiwowa? Anuwi Yəso Ləmwadengnəmwowa? Kunang nga kəni torengnə nakuni a hur Ləmwandəwowa?

² Chika sokkənwa nga ləthləndə naki mbəda funiwa, kittəkən mbədengnuni njang ləthlənda, kəthləm kunang naka sheta tə tor ləthlədengna a hur Ləmwanda.

³ Tə ndəkən la chandə fadengna kish a mbəda fa tauwasənji.

⁴ Alchidengnanişə kə fəranguni səm'əna kani tə satwowa?

⁵ Nga alchidengnanişə kə tərani kan kə wi'yani tə nishchengnani fəfərkit nda i la sət tahhət fəthləncha, tə hwanmancha Ləmwanda tə Kefas yuwowa?

⁶ Nga njang tə Barnabas ndak sokkə waat kə sani tor səma'ən inchengnani kə nanihiwa?

⁷ Wun la sək tor thlərhwata kana səma'ən ində'en? Wun na pat affət inabi kə cherka chi hwanchikən? Wun na hərəm chaba kə cherka sat yahkən?

⁸ Naki mbu ichiya dər yara nifəwa? Ndu kustəkən kichuwowa?

⁹ Yarang fichəhi a hur kussa Musa ndatwa: "Mə panə hwan sokroka latami maməla sət tora hurhitəwa." Lat ndak la hərəmtə Farəwa?

¹⁰ Nga shuwunkən kəthləm kəmnangwowa? Aa kəthləm kəmnang yarandə ficha. Kəthləm lə hudata, nakna hudat tə dəffatsə nan mbəs əna, le naka dəktə pad nakna dəktə tə yarə mbəs'əna hur dəsəmi hitəkən.

¹¹ Ma hifani hanwitə shemedə Fara hur handəkikecheng'nuni, kapat ənwa ma mbishani icha mbədengnuni?

¹² Mana funa mbəs mba sət kichu mbədengnuni, sherawani kandə tə mba sət kichuwowa?

Chika kichu suwani tor tə mbayiniyuwa, kəriskani tə chikamə kəthləm mə bīdani tə i na njat tor laulawata Kərəstiwa.

¹³ Sənwuniwa fichile la sək tora kapat hura'a Fara, la mbəskəndə dəsəmtengnanda kapat hura'a Farəkənwowa? Fa sət tora bagadi la mbəskəndə dəsəmta hur ichi la fərtə fichi i fər pofənwowa?

¹⁴ Kichuyu pad mbutə Ləmwanda ndatwa, fichile naka bəssə laulawata kə thləndə ənat nathi engnandə tə mbədə laulawatkən.

¹⁵ Njang tamwi sah ən kuni hur ichiniyuwa, pad nga naki yarat'iya tə dəffatsəwa kə sikə fichə kichuwa. Kweshkən kə məri, məri yuna nji wilwirtengna tə ndəkən.

¹⁶ Chika kichu ma bəsshi laulawatkən, ngi wilwirtəwa, kəthləm dəfkə fichənji waat kə bəssi. Ai engna ma bəsswi laulawatkənwa.

¹⁷ Mamuwa la bəsski a dər yahtengna mala kwanikə ficha. Sokkənwa nga dər yahtengnəwa, təri sət i malitə fichəhi.

¹⁸ Mənaka kənikən engna? Kənikən engna ndəkən naka bəsse laulawatkən, kə bəssə pofən. Səwitor tə cheta mbədengnə nat a hur bəssəkənwa.

¹⁹ Chikama sokkən naki kwedeleng nga hara chikawunwa, sadi fadengna mafata nofchənat, kəthləm kə mbəsi nofchə oi.

²⁰ Kə mbəda Yahudaweča, naki nda lə Yahu-dawata, kəthləm kə mbəla'i kahhandə hur'inchə Yahudaweča. Kə mbəda fichile nat kussa alchidengnanda, naki nda le naka kakən pad (chikama sokkən njang tə indengna nga naki ka kustəkənwa) kəthləm kə kahhayi hur'inchə fichile naka ka kus təkən.

²¹ Fichile nguchika ka kus təkən sokki nda kandang (chika sokkən nga naki kisshitə kussa Farəwa naki ka kussa Kərəsti) kəthləm kə kahhayi hur'inda fichile nguchika ka kus.

²² Kə mbəda fichile nguchit alchitsi njang ma naki alchitsəwa, kəthləm kə kahhayi hur'inchə fichile nguchit alchidengnandəsi. Sokki kə ichi-nat kə mbəda nofchə nat kəthləm chika tə kəni kə hərkayi funa.

²³ Səki ichini natyu kəthləm kusheng shundə mbinchin, kəthləm kə mbəsi ənhar hur mbəs'ichihar.

²⁴ Sənwuniwa hur fa teri rahta, nat fa teri rahkən la kweekəndəhi kə pəfangnda ndanihi, ertə ndak la thlək kənikənwowa? Yimamma rahkən kəthləm kə mbəsuni kənikən.

²⁵ Nat fa yimta terriyiniyu, la fərangndə bahta fechengnandə chika tətəni. La səkndə kichu kəthləm kə mbəsndə kənikən lena səbtadi, kəmnang pad la səkəm inəm kə mbəsəm kənikən le nguchika səbtadə kəpwaree.

²⁶ A rahwi pofən nda nga mbət dətsəwowa, a tokwi fat nda lela tokkə rənnawa.

²⁷ Tə fərayi bahta fadengna kə sayi mafata,

kəthləm diffitə bəssanda nofchəsi njang tə indengna mə nji fichə mbəs kənikənwa.

10

Kah Thləmat kə Dar Dəsəta Isra'ilawecha

¹ Yahkəsi kə sənuni, hwanmancha, ndatwa kakechinəm nat wikənda ka husomba'a, pad natndə dəkndə tə hur hawurta.

² A ka husombi'iniyu tə hur hawurkən sandə fichə baptisma kandə uf kə kuwur Musa.

³ Natnda səmkəndə dəsəmta shemedə.

⁴ Natnda sakndə ama shemedə, kəthləm shədndə ama a ngwiya shemedə le wiikə tə kanda. Ngwikən Kərəsti nakən.

⁵ Chika tə kichu, səku Farə mbənfat tə funə oi a hurnandəwa, təkang fichə kandəhi a loktara.

⁶ Sək ichininyu kə naka sakchikəna mbədegnəm, kəthləm mədi hanndəkikechengnəma dar bəbi ichə nda i sətndəwa.

⁷ Mə sokiduni kə fa sət tor dəhhachə nda i sət funengnandəwa, nda i natna hur yarat laulawatkən ndatwa: "Sokkə nofchikənhi kə səmndə kə sanda, thlaakənda naknda rəbta a hur səbtadə i fəlawichita."

⁸ Mə yimindəma fəlawichit nda i sət funengnandəwa, baka sət nifə aru kumchitkum chap tə aru kumchit məkkan (23,000) məkə farə əta.

⁹ Ngəma kikedəndə Ləmwandəwa nda i sət funengnandəwa, bək hwithlincha təkəndə kandəhi.

¹⁰ Mə hurmidəm nda i sət funengnandəwa, Mala'ika tə bəta təkəən kandəhi.

¹¹ Kəskə ichini kəndəyu kə naka sakətkən, yarang fichə kandəhi kəthləm kə səka ənət

kah thləmadengnəm, kəmnang ti bat ndukwat kisshikəna mbəskəm.

¹² Kəthləm ndəkən chikawun yarkəwa nakən kit, kə mbərənsi mə həmidəhiwa.

¹³ Kiketəsi tamka mbəskuni le mbəsuchitən nifəwa. Farə lə kachita, ngu tamta ngəmtə kə kikedang fichə kuni tə i na sheranda alleng-nuniwa. Ma kikedə fichə kuni nan mbəssa mba chetakissha kuni, kəthləm kə mbəla'uni kərəskən.

¹⁴ Kəthləm ndəkən shikechina, rahamna tor dəhhachihar.

¹⁵ Shuwunki tə kuni kunang fa hur'inha, kə yarangunih i kunang tə idengnuni i mbuti.

¹⁶ Kop i mbəs'inhar le la sətəm usoko kə dərkən, nga ndəkən la dəfkəkəm kənəm ərta a hur fwara Kərəstiwowa? Njohmi la chichadəmhi nga ndəkən la dəfkəkəm kənəm ərta a hur fwara Kərəstiwowa?

¹⁷ Kəthləm njohmiya ərta, kəmnang ti nak terchin fat ərta, kəthləm nattəm njohmə ərta la chiitəm.

¹⁸ Kəlamən Isra'ilaweča: Fichile la səmka hur i fərtə ficha, nga la humndəhi tə ndani hur səm ichi fərandə ficha Fara a bagadi tə fər'ichəwowa?

¹⁹ Mə nati yarə hachiyu? Dəsəmi fərandə ficha dəhhacha naka ənwa, ndu dəhhakən naka əna?

²⁰ Auwa, yarengnaa i la fərtə fa sət tor dəhhacha la fərangnda ləwurcha nga Farəwa. Yahwisə kə la nuni humtəhi tə ləwurchəwa.

²¹ Nguni sat tə kop a Ləmwandə kə suni pad tə i ləwurchəwa. Nguni səm'əna a mbət səmdəsəmta Ləmwanda kə səmuni pad a i ləwurchəwa.

²² Nəma dəf Ləmwandə kə sərəhtəwa? Sheradəm tə alchitwa?

Su Chikamə Kəthləm Kə Mwanangfichə Fara

23 "Nat icha ngəmaficha kəmsi", Nga nat ichə na kəsanda kəmsəwa. "Nat icha ngəmaficha kəmsi." Nga nat ichə la tinangwa.

24 Mə si nifə ən ndiichin kə ɗar ində'en ɗengwa, kəsən kə ɗar'inda funə paɗ.

25 Chi'u chikawitə thlumi, la hi'yandə fichada mbət hi'yandə thluwadi, nga tə sahmi mbəɗi bat thlukənwa, kəthləm mənɪ yarengnuni nata mbəɗi chet thlukən.

26 Kəthləm: "Kisshitə i Ləmwanda nat tə ichi naka hurkən."

27 Ma eɗ lə bah fərkit sa səm ɗəsəmta, ngəmkufə ɗəkuni, səmu i ɓandə fɪcha kuni nga tə sahmiwa, kəthləm kəna hur'ində ngwalngwal.

28 Ma ndu yunəwa: "Dəsəmiya i ɗəhhata", Mə səminəwa, kəthləm le mbukə paɗ kəna hanndəkiketə'en yuyur tə sokən.

29 Nga yarkiwa hur'idəkuwa, ikən. Yunə nan ndatwa kəthləmmə nat fɪcha nji i yahtə fadengna, kəthləm yuyurchit hanndəkiketa yuna?

30 Ma sadi Farə usoko, kani səm ɗəsəmkən, kəthləmmə nat fɪcha ishnji kə ɗar i sandə Farə usokosi?

31 Ndu tə səmna ndu tə sana, ndu chika witəmə natu sətə, su nat kəthləm mwanandə thləm Fara.

32 Mə siɗuni kə ənət chit hansarəhiwa, ndu Yahudawecha, ndu fichile nguchika Yahudawecha ndu nofcha Fara.

33 Naki kweetəhi kə tərɪyi hura nofchihi nat chika tətəni. Nga tənɪ kat i na mbənanda fadengnəfəwa, paɗ i na mbənanda nofchəfə oi, kəthləm kə hərəknda.

11

¹ Sakamnji nda i nati sak Kərəsti.

I Kamkəsi kə sa Fichə ka Mwanandə Fara

² Nja hamkuni kəthləm la kudukkuni nji chika hurmi, kishshuni ichi sakandə kuni har dīchin nda i fərāndi kuni.

³ Yah kisi kə sənuniwa le naka inn chikawun hishnifa Kərəsti, le naka inn chikawun nuhnifa, hishnifa, le naka inn Kərəsti Fara.

⁴ Chikawun hishnifə hwanka ndu tə mbu'ən icha Fara ində'ena supta, njirtə Kərəsti le nak mwanchinna mbanitəkən.

⁵ Chikawun nuhnifə hwanka, ndu tə mbu'ən icha Fara supwawutə i'ndəwa, njirtə səmahha le nak mwanchinna mbanitəkən, nakən keeke tə həsandə i'ndə'enadi.

⁶ Ma cher nuhnifə supwandə i'ndə'en, kə həsaən hwasə'enadi. Manakən harəfatsi ma həsa nuhnifə hwasə'enadi ndu kə həsangkadə tukulmur, kə supwaən.

⁷ Kamusi hishnifə kə supwa'ən i'ndə'enwa, nakən kə mirshingta pad mwanda Fara. Nuhnifa pad mwanda hishnifa.

⁸ Kəthləm a tərakən hishnifa nga chekna fata nuhnifəwa, nuhnifə cheka fata hishnifa.

⁹ Su fichə hishnifə kəthləm nuhnifəwa, nuhnifə sət fichə kəthləm hishnifa.

¹⁰ Kəthləm ndəkən sokkən waat nuhnifə kə kənən dankwali i'ndə'en, che sakətkəna səmah nak mwanchin, pad kəthləm mala'ikacha.

¹¹ Chika təkichu, a hur Ləmwanda nuhnifə nga somənhi tə hishnifəwa, hishnifə pad nga somənhi tə nuhnifəwa.

¹² Nda i nat nuhnifə chekna fata hishnifa, kichu pad nuhnifə ngətkə hishnifa. Ichi nat pad baknda mbəda Fara.

¹³ Yaramənhi tə inchengnuni, keekesi nuhnifə kə hwanaən Farə tə ində'en chaawa?

¹⁴ Sakkawu nathi kəmharwa ma mel hishnifə hwasə'en njang, nga ənat harəfata mbəd'enwowa?

¹⁵ Ma hwasə nuhnifə njang nga mwandə'enwa? Fərang fichə hwasə njang kichuyu kəthləm kə ngəlaən i'ndə'ensi.

¹⁶ Ma yunəsə nat halə'ində'ensi kə ɗar iniyu, kanang sənwani dəsəchə somənwa, nakən kichu mbəda tahlət nofcha Fara.

Njirandə Sat Jibi Ləmwandafi

¹⁷ Kə ichiya hamwi kuniwa, kəthləm ma hwimunihi nga i katkənwa i səbkən.

¹⁸ A tərakən, səkkiwa ma hwimunihi humta fa tərmbanda, a lanak saktəhisa hurnuni. Bədi fərkita ɗar shuwunkən ngudeh kicha.

¹⁹ Sokkən waat kə mbəs fichə saktəhi hurnuni, kəthləm kə sənfighə fa kachita hurnuni.

²⁰ Ma hwimunihi nga jibi Ləmwandə la səm tuniwa.

²¹ Kəthləm a chikən, chikawun la ɗəkna mban tə səm dəsəmtə'en pu'utə nifəwa. Yunə tə mita fa, yunə ngeli har tərada.

²² Nga hurechengnunisə kə səmuni kə suni hurkənwowa? Tə njiruni fa tərmbanda Fara, pad kənuni bahhandə fichile nguchit ichengnandəsi? Mənati mbwa'anda kuni? Kə hamikuni kə iniyuwa? Auwa ngi hamkuniwa.

²³ I fərandi kuniya thləki mbəda Ləmwanda ndatwa: Ləmwandə Yəso, a fidiki fərtə fichəndi, tərəkən njohma,

²⁴ difitə sət usoko'en, chichaanhi ndakənwa: "Fadengnəniya, fərtə fichə kəthləm kunang. La sam kichu kəthləm kuduktə tənji."

²⁵ Mbandə ertə pad, difitə jibi təkən tərəkən kop, ndakənwa: "Koptiya i yuwa dəf shundəhi a hur fwarengna. Sam kichu nat kə farə natuni sata kəthləm kuduktə tənji."

²⁶ Chika kwat natuni chi njohmiya, pad natuni sata a koptiya, nuni mbu mərtadə Ləmwanda kə fari natna bata.

²⁷ Kəthləm ndəkən, nat le chiikə njohmiya, shedda hur kop ti Ləmwandəya nga hur chidchidchitwa, shidte bəbichitfat kə fata tə fwara Ləmwanda.

²⁸ Chikawun kə kikedəən fat'en, kana chi njohhəmkən pad kana sata koptəkən.

²⁹ Kəthləm chikawun chiika a shed pad ngatə mwanandə fatkəna Ləmwandəwa, pad sadə sakmiya fat'ensi, tə mbəda chi'ini tə sadini'enyu.

³⁰ Ndəkən səkə nofchə oi a hurnuni alchidəngnandəsəwa, funə haachinnda, pad terchina hurnuni a mirnda.

³¹ Ma yaradəm incheəngnəmhi poo, ngu ficha sakamiya kəmwa.

³² Ma Ləmwandə sakang miyakəm, na ficha eltandəkəm kəthləm mə thlandə kita kəmsə tə kisshitəwa.

³³ Kəthləm ndəkən hwanmanchina, ma hwimunihi kəthləm səm'əna, kə pu'uni ndani.

³⁴ Ma yunəsə tə mitafa, kə səmən'əna huri, kəthləm humtəngnuni mə bandə thlet shunda kuniwa.

Kə dar tahhət icha, ni mbwa'a mbachəkəna kuni ma bedi.

12

Fər Chidchid tə Shemed Somsomən

¹ Nakənya pad hwanmancha, pathlə fər shemed somsomən, yahwisə kənuni tə bahsəndəwa.

² Shinuniwa fari natuni nga fa tərmbəndəwa, limfichə kuni pad shekdəng fichə kuni kə fa kuwur dəhhachi nguchit shishingchengnandəsi.

³ Kəthləm ndəkən yakhəsi kə sənuniwa nifəsə na shunda hur Shemedə Fara na ndatwa: "Yəso nga'ən nakənwa" pad nifəsə na ndatwa: "Yəso Ləmwandə nakən." Manga nakna hur Shemed Chidchid wa.

⁴ Nakənya fərtəsə somən somən, Shemed ərtə la fərkə kanda.

⁵ Mbachəsi somən somən i sət torcha, chika kichu Ləmwandə ərtə.

⁶ Torchəsi somən somən, chika kichu kəmka Farə ərtə la fərkə tori nat chikawuna sətə.

⁷ Chikawuni fəra Farə mba bata Shemedə kəthləm kə kəsangka chikawunsi.

⁸ Yuna fərang fichə Shemed mbər shunda, təpad yuna Shemed shuwun sən'əna, natyu tə mbəda Shemed ərtə.

⁹ Yuna i fərkit tə mbəda Shemed ərtə, yuna i kənandə nofcha di tə mbəda Shemedini ərtəyu.

¹⁰ Yuna fərangndə alchit sət ənat pəfandə nifəfa, yunə i mbu icha Fara le na sət kəmban, yuna i mbəla sakandə shemedchəhi, yuna i sən han-shuwunchə somən somən, yunə pad mbəla sən i nat hanshuwunchi somsoməna mbuta.

¹¹ Ichini natyu tora Shemed ərtə la sək kanda, le la sakangnga chikawun nda i yahtən.

Fat Ərtə Njarəchi Somsomən

¹² Nda i nat fat ərta njarəchi'en terchin, chikama sokkən njarəchi'en terchin, nakndə kə fat ərta, nak Kərəsti kichuyu.

¹³ Sangfichi baptisma kəm nattəm tə Shemed ərta kə hur fat ərta, ndu Yahudawecha, punofcha, ndu mafecha, ndu fichile thlək inchengnandadi, nattəm dəfkə fichəkəm kəsəma hur Shemed ərta.

¹⁴ Fatkən nga tahsang fichə tə njarə ərəwa, pad njarəchəkən terchin.

¹⁵ Mana sara ndatwa: "Njang nga har nakiwa, makichu nga naki fa fatwa." Mbutə kichu ngu dəfndə kə sakndəhi tə njarəchikənna fatkənwa.

¹⁶ Ma na thləmata ndatwa: "Kəthləm njang nga hwanitəwa, makichu nga naki fa fatwa." Mbutə kichu ngu dəfndə kə sakndəhi tə njarəchikənna fatkənwa.

¹⁷ Ma fatkən nat kə hwanita, nakficha la səmbət tə mi? Ma fatkən nat kə thləmata, nakficha la sa mbət tə mi?

¹⁸ Kittəkən Farə tahsang njarəcha hur fata, chikayeni nda i yahtən kə nandəsi.

¹⁹ Ma nak fatkən nat kə njarəchə ərta, nak fatkəna natwa kəni?

²⁰ Nda i natən, njarəchə terchin chika kichu fat ərta.

²¹ Hwanitə ngu ndanda harwa, "Kəmiwu'əntəsəwa." Ndu inda kə ndangka harchəwa, "Kəmiwu'əntəkuniwa."

²² A mbandə somən, njarəchi fafat la kəlandə fichəwa nda nga kwaakwa'a ndəwa, kandang naka kechikən,

²³ Njarəchi fafat la kəlandə fichə nda nga ənnakndəwa, kandang la mwanandani kaən.

Njarəchi kamuchiksi kə nafichiyyu, la kəlak fichasa kanda,

²⁴ njarəchi'engnəm nak ndiichinyu, nga ma safichə ən kandəwa. Humang Farə njarəcha fata, nda i ngərandən njarəchi farawuchit fichi mwanda, sokkən tə mwanda fa.

²⁵ Səken iniyu kəthləm mənı saktəhisa hur fatwa, njarəchikən kə la tərndəwa nakndə nat keeke.

²⁶ Ma njarəsə ərte naka bahta, nat ndə nanda nata hur bahta, ma njarəsə ərte fərandə fichə mwanda, nat njarəchikən kə mbənnə fata.

²⁷ Nakənya kunang naka fata Kərəsti, chikawun ərta hurnuni nakən kə njarəchi'en.

²⁸ A kətən mwanandə Fara hertə nofchəhar, saən funa tərəkən kə Fathləncha, chapatəkən Tapənecha, məkkatəkən fa sakadadi, funə fa sət ənət pədandə nifəfa, funə fa kəandə nofchadi, funə fa kəsanda nofchəsi, funə fa kəlandə tora nofcha pad funə fa shundə tə hanshuwunchə somsomən.

²⁹ Nat fatərmbakən fathlənchəwa? Nat fatərmbakən tapənechəwa? Nat fatərmbakən fa sakandadadiwa? Nat fatərmbakən fa sət ənət pədandə nofchəfəwa?

³⁰ Nat fatərmbakən fa mbəs fər kəandə nofchandəwa? Nat fatərmbakən fa shundə tə hanshuwunchə somsomənwa? Nat fatərmbakən fa mbu sakət i shuwuntə fichə tə hanshuwunchə somsomənwa?

³¹ Pad kam fərtə somsomən tə rahta fichile nak ka mwanchin.

Ni chedə mbanda kuni le sherkə nat tə ndata.

13

Mba Mbənfata

¹ Chikama la mbərki shundə tə hanshuwuncha nofcha tə i Mala'ikacha, nakən mbənfatsa fadengniwa, sokki nda pupwandəra lə la tik kaən, manga kichuwa nda thləmra.

² Chikama fərtengnəsi i mbu'icha Fara pad la mbəsayi ichi buḅweeta tə səndə nat, ma fərkitchidengnəsə kaən ni mbəla mbasandə shohlachadi nga mbənfatsa fadengniwa nga ən nakiwa.

³ Chikama ni fəra ichi naksengnə nata fa bahcha kə fəri fadengna kə 'yangfichadi manga mbənfatsa fadengniwa, ənsə nati mbəstisəwa.

⁴ Mbənfata kərəstə'ensi, tə kafata, sərəhtəsə hur mbənfatwa, thla'andə'ensəwa, mwa'indəsəwa.

⁵ Mbənfata thla'indəsəwa, yah'indəsə hur mbənfatwa, səbhursə paapawa, kəs'ənsahurwa.

⁶ Mbənfata yahutə səbfatwa, la mbənkənfat kə i sətficha dar kit.

⁷ Mbənfat la nakən tə kərəstafa kəding chika hur witəmi, la nakən tə fərkit hur chikamə nat, la dəfkən hanndəkiketa ichinat, la kərəskən tə ichinat.

⁸ Tamu mbənfata tubwatwa kəparee. Mbu'ichi Farə na sət kəmban nan thlərəttadi, shundə tə hanshuwunchi somsomən nan shekata, sən'əna nan thlərəttadi.

⁹ Sən'ənengnəm nəhduhiwa. Mbu'ichi chandə Fara kish ngə mbədengnəm nəhduhiwa.

¹⁰ Ma bəd le nəhhədkəhi, le nəhduchikhi nan thlərəttadi.

¹¹ Thlahmbədi nati kə hweya, la shuwunkə nda hweya, la yarki nda hweya, la mbuki ichi kamkəsi nda hweya. Kə səkti nifa, malayi hwanchita.

¹² Nakənya la nakəm nda a hur shishing'ama, shummə shumma, farəkən nakma nat hwanitə tə hwanita. Sən'ənengna nakənya nəhduhiwa, a farəkən na sədengna nəhhatəhi nda i səntəfichinji ndiichin.

¹³ Nakənya, ichi məkkanya shokndə kichu, fərkit, dəf hanndəkiketəsi, tə mbənfata. Le nak mwanchina hurnanda mbənfata.

14

Fər Hanshuwunchə Somsomən tə Mbu'ichi Naka Yara Fara

¹ Kwe'yamhi kə kuni mbənfata, kə kuni fəta Shemed Chidchid, nda i yah mbu ichi naka yara Fara.

² Kəthləm le la shuwunkə tə hanshundə somən, nga tə nofchə natna shundəwa tə Fara, nifəsə la sənkə i natna mbutəwa, la mbukən icha buḃweeta mbəda alchita Shemeda.

³ Le la mbukə ichi na yara Fara, na shunandə nofcha kə tinaən kanda, kə chekaən alchita kanda, kə saən səssi kanda.

⁴ Le naka shundə tə hanshundə somən naka tinadə fat'en, pad le naka mbu'ichi na yara Fara tinadə fatərmbanda.

⁵ Yahkisi natuni kə shununi tə hanshuwunchə somsomən, buredi yahtə kə mbu'uni ichi na yara Fara. Le la mbukə ichi na yara Fara, sherada le la shuwunkə tə hanshuwunchə somsomən, ma mbwi yunə hanngalə i mbutən, kana tinandə fatərmbanda.

⁶ Nakənya hwanmancha, ma bedi mbəskuni nja shundə tə hanshuwuncha, mə natna chekanda

kuni ma mbwa'awi hangngalə shuwunkəna kuniwa, ndu sənda, ndu ichi na yara Fara, ndu sakandadi?

⁷ Nakən kichu tə ichi nguchit shishingtəsa fechengnanda, nda kələ'a tə ənat pecha, ma chu burechengnanda kish diichinwa, wun na sən i nat ficha futa tə i nat ficha peta?

⁸ Ma pyawu fichə kutmetə keeke tə i nat ficha səndəwa, wun na səhatəfə kə mbata?

⁹ Nakən kichu mbəðengnuni, ma shununi tə hanshuni mbəsauchit ficha, nakficha sən i mbutuniwa kəni? Shuwunkuniyu mere pəðakna hur rənna'a.

¹⁰ Michisi somsoməna hur kisshita, chika yen miya tə sakətkənsi.

¹¹ Ma sənwi sakət mikənwa, naki nat kə roma mbəða lə shuwunkən, lə shuwunkən pad nakən kə roma mbəðengna.

¹² Nakən kichu mbəðengnuni, nakuni tə bwechit hura a ðar mbəs fər Shemedchi somsomən, fəram alchidengnuni kə suni tor tə fər Shemedə na tinandə fatərmbanda.

¹³ Kəthləm ndəkən, chikawun na shundə tə hanshundə somsomən kə hwanən kə fərang fichə mba sən i mbutən.

¹⁴ Kəthləm ma hweni tə hanshundə somən, shemedengnə hwanka, pad yarengnə cheku tə ənwa.

¹⁵ Mənati sətə? Ni hwandə tə shemedengna, ni hwandə tə yarengnə pad. Ni ən'imshi tə shemedengna, ni i'ndə tə yarengnə pad.

¹⁶ Manga kichuuwa, masa sət usoko tə shemedeku, tə kəni le naka kuthləmata mbəsauchik hanshuniniyu ndatwa: "Kə sokən

kichu wa kənə." Kə ɗar usoko tə natu sɛta, ma sənɛtə i natu mbutəwa?

¹⁷ Chika sokkənwa shidɪ usoko kaən, ənsə chekandəna le nak nduk təsə le sənuchikwa.

¹⁸ Sadɪ Farə usoko sheradɪ kuni tə shundə tə hanshuwunchə somsomən.

¹⁹ Chika kichu, a hur kətən hwanda kweshikən kə mbu'i ichi ɗurman tə hanndəkiketengna kəthləm kə sakayi funəhar mənɪ mbu ichi aru kumchitkum (10,000) tə hanshundə somsomən.

²⁰ Hwanmancha, malamən yarə'ichə nda hwecha. Kənuni hwecha a hur bəbichitfata, kənuni pəktechə hur yarengnuni.

²¹ A hur kus yara fichəhiwa:

"Tə mbəɗa nofcha fa hanshuwunchə somsomən pad tə miya

romcha nati shundə tə nofchiya,

chika təkichu ngunda kithləmatwa,

ndat Ləmwanda."

²² Awi shundə tə hanshuwuncha nakndə kə sakətkən nga kə mbəɗa fa fərkitwa kə mbəɗa fa bəhfərkit. Mbu yara Fara i fafərkit nga i fa bəhfərkitwa.

²³ Kəthləm ndəkən ma hwim fatərmbandəhi, kana chikawunna nata shundə tə hanshuwunchi somsomən, nakən funəsə mbəsaundə i nat ficha sətwa, ndu funə fa bəhfərkit yimkəsi, ngunda ndatwa nga nakuni hur'inchəwa?

²⁴ Ma chikawuna mbu yari Farə na sətta, kana lə bəhfərkit ndu yunə roma yimtəsi le sənuchik i nat ficha sətta, bək shunda chikawuna təkə harfa a kakən tərətəhi.

²⁵ Naficha chadə buɓwee ichi kissha handəkiketə'enyu, tə kichu həmkənhi mwanaən Fara ndakənwa: "Kittəkən Fara hurnuni."

Kə Mwanang Fichə Fara Mbayi Kamkəsi

²⁶ Mə natma mbuta hwanmancha? Ma hwimu-nihi yuna imshə'ensi i mwanandə Fara, yunə sakandadi, yunə mbu'icha, yunə shundə tə han-shundə somsomən, yuna fər hanngalə shunda. Sam ichənat kəthləm tinandə fafərkit.

²⁷ Mana yuna shundə tə hanshundə somsomən, mə sherada nifə chap ndu məkkanwa, kə səndə dəferra pad yunə kə fərən hanngalə shuwunkən.

²⁸ Manga yunəsə na fər hanngalə shuwunkənwa, chikawun kə ngasən ba'a hur fatəmbakən, kə shunaən fat'en tə Fara.

²⁹ Tapənechə chap ndu məkkan kə shuwunnda, tahchikən kə kikedəngndə həbakkə i mbutənda.

³⁰ Ma yunəsə mbənniyu das bat sən'ichikəna mbət'en, le naka shunda tərakənyu kə ngasən ba.

³¹ Natuni nuni mbəla mbu ichi na yara Fara ərtə ərtə, kəthləm kə sak chikawuni pad kə mbəs chikawun alchita,

³² Tapənecha la mbəllakəndə hərəm incheng-nandə hər.

³³ Fara nga Farə la shekdəndə i'ndəwa, i yuyur-chita.

Nakən kichu mbədə fatəmbadə chidchid,

³⁴ kə ngas nishchə ba a hur kətən hwacha. Kəthləm fərau fichə mbanda kandə kə shuwun-ndəwa, kə kuwurndə ndak nda i mbutə kus.

³⁵ Ma ənsə yahtənda sahta, kə sahhangndə hishchəngnanda huri. Kəthləm ənat harəfata kə shuwun nuhnifa a hur kətən hwanda.

³⁶ Tərkaakə shunda Fara bat tə mbədəngnuniwa, ndu kunang ndak sa'andən?

³⁷ Mala yarkə yunəwa tapənəa nakən, ndu le mbəskə fərtə shemedə, kə sənənwa ichi nati yaranda kunisəya mbuta Ləmwanda.

³⁸ Ma cher yunə mbənnifiyu, məlan ma kə cherunindəfa.

³⁹ Kəthləm ndəkən hwanmancha, namtə bweechit hur mbu ichi na yara Fara paḍ mə maladuni shundə tə hanshuwunchə somsomənwa.

⁴⁰ Kə suni chikama a mbayi kamkəsi, paḍ a hur tahhasəkən.

15

Thlata Kərəsti Hur Məmatcha

¹ Nakənya, hwanmancha, ni kuḍkanda kuni kwescha shuni bəssandi kuniyu, le thlətuni thlar-tuni dəkən.

² Tə mbəda kwescha shuwunkən hərəktuni, ma kisshuni shunihar mbwa'andə kuni kwaakwaa. Manga kichuuwa fərkit engnuni mere.

³ I kamkəsi sənandi kunisi, ndəkən naka i thləta, ndatwa: "Kərəsti məkənəḍi kəthləm bəbichitfechengnəm, nda i natna hur yarat laulawata Farə le mbutən,

⁴ ndatwa thloha fīcha, farə mun məkkatəkən thla'afīcha, nda i natna hur yarat laulawatkən,

⁵ chedəḍə fat'ena Kefas kana fīchile kum-ngərənsə chapyu.

⁶ Kana chedə fat'ena hwanmancha fīchile sheranga aru ḍurman (500) a farə ərtə, mwee-funəsi tə shishshingtafa, chikama sokkən funa mirnda.

⁷ Kana chedə fat'ena Yakubu, tə tahhət fathlənchəkən nat.

⁸ A mweshitkən nat, chedikən fata, nda le ngəttə fīcha a fari kamuchiksə.

⁹ Kəthləm njang naka mweshitmiya fathləncha, kamuchiksə kə afichəwa ləthlənda, kəthləm fəradī bahta fa tərmbanda Fara.

¹⁰ Tə mbəda kafata Fara nati kə i natiya, kafat'en kə mbədeŋna nga merewa. Shidī tor sheradī chikawuna hurnanda, chikama sokkən nga njangwa, kafadī Farə nak tə njiyu.

¹¹ Ndu njang ndu kaɗang, basskani kichuyu, tə kichuyu paɗ fərtuni kit.

Thlata Məmatcha

¹² Ma fīcha bassə thlata Kərəsti a hur məmatcha, məsək la ndat funengnuniwa thlata məmatchəsəwa?

¹³ Ma nga thlata məmatchəsəwa, sokkən chika Kərəsti thla'awu fīchəwa.

¹⁴ Ma thlaawu fīchə Kərəstiwa, bassengnani pofən, fərkitchidengnuni pofən.

¹⁵ Ma tana nakən kichu, shidani fa lekta Fara, kəthləm shidani sheta kə ɗar Farəwa thla'adə Kərəsti hur məmatcha, le thla'awuchitən, ma tə kitwa thla'awu fīchə məmatchəwa.

¹⁶ Kəthləm ma thla'awu fīchə məmatchəwa, sokkən Kərəsti ma thla'awu fīchəwa.

¹⁷ Ma sokkən thla'awu fīchə Kərəstiwa, fərkitchidengnuni pofən paɗ paaya mwakuni hur bəbichitfechengnuni.

¹⁸ Sokkən fīchile fərkəkitta hur Kərəsti, kannda mərtadī thlərətkəndadī.

¹⁹ Ma ɗəfəm haɗəkiketengnəm kə Kərəsti kəthləm naɗihiya ɗeng, sheradīma chikawun kə ənət haɗandə nifəfa.

²⁰ Kitchitkən thla'afīchə Kərəsti a hur məmatcha, məlan naka tərka thlata fīchile mərkadī.

21 Nakən bək murtə tə mbəda nifa ərtə, tə mbəda nifə ərtə pad bat thlata məmatcha.

22 Nda i nat fīcha məmattə kəthləm Adamu, kichu pad kəthləm Kərəsti nat fīcha thla'andə nofchə nat.

23 Nak thlakəna nata ndera chikawun tə witə ikən, Kərəsti na nata tərəkən, kana fīchile naka ikən a fari natna ngərändə'in.

24 Kana mweshitmikəna bəta, fari natna fəra kuturəchita Fara Shinda, dīfitə wuwweləndə fa kuturəchitadī, nat tə kuturcha tə alchita.

25 Waat nan sok kuturəchita, kana dəf atikrechikən kə ka sarəchi'en.

26 Hanmurtə naka mweshitmi atikretəkən ti natna bəllanda.

27 "Kəthləm shidətə ichinat kə ka sarəchi'en" Ma dēdfichəwa: "Shidətə ichinat kə ka sarəchi'en", chedakissha dīwaachitkənwa nga nat tə Farə tə ində'enwa, le dəfkə chikamənat kə ka Kərəsti.

28 Kə ngərändə Farə ichiniyu kə ka sarəchi'en, hwankən pad sokkəna ka Fara, kana Fara nata chikamə tə tēmə nat.

29 Manga thlata məmatchəsəwa, mənə nofchiya sətə, fīchile sandə fīchə baptisma kanda kəthləm məmatcha? Ma thla'awu fīchə məmatchəwa kəpware, kəthləmmə la sandə fīchə baptisma nofchə kəthləm kəndang?

30 Kəthləmmə la natma dəf inchengnəma hur mboro chikayen hanthləkta?

31 Wembəta nja miya hanmurta! Yarkiyaa hwanmancha, kittəkən la thla'ayi'ində kəthləm kunang hur Yəso Kərəsti Ləmwadengnəm.

32 Ma mbedi tə pəktat hanthlucha a Afisa, kəthləm yarengnə kə dər nifa, mə naka

mbæstengnəhar? Mangu ficha thla'andə məmatchəwa,

"Nga kwesh kə səməm kə səmwa nakən ishki nəma mərta?"

³³ Mə ləmi fichə kuniwa: "Soktə tə bəbinofcha la səbaən ka hur'indadi."

³⁴ Bamađi kə hur'inchegnuni ndiichin, kə malangunı sət bəbichitfata. Kəthləm funegnuni sənundə Farəwa. Mbuki iniyu kəthləm kə harangfat kuni.

Thlata Fata

³⁵ Pađ funə nanda sahtə ndatwa: "La thla'ang fichə məmatchəwa kəni? Tə witə fatmə natnda bəta?"

³⁶ Boma! I həftu ngu tiftəwa se ma mirwa.

³⁷ Ma hifna, nga cheta i həftu tə fatkən na tiftəwa, hanwitekən ndak. Ndu i alkama ndu hanwitə ən somən.

³⁸ Farə la fərang fata hanwitekən nda i yahtən, pađ chika witə hanwitəmi la fəraən fatkən'en.

³⁹ Nga nat thlu ərətəwa, nofchə tə witə thləwengnanda ərta, dəhərəmchə tə witə innanda, đishchə tə witə innanda, tinchə pađ tə witə innanda.

⁴⁰ Tindəsi i afshi nedəsə pađ i kisshita, mwanda i afshi somən, mwanda i kisshitə pađ somən.

⁴¹ Mwanda hwatfarə somən, i ndəraa somən, i hanndərechə somən; kəthləm yunə hanndəraa somən mwandə'en tə le.

⁴² Nakən kichu tə pathlə thlata məmatcha. I həftə ficha nan yiratadi, i thla'andə ficha yirat'ensadəwa.

⁴³ La hæfkə fīcha tə bah fər mwanda, thla'ang fīcha hur mwanda. La hæfkə fīcha hur bah alchita, thla'ang fīcha hur alchita.

⁴⁴ Hæfkə fīcha hur cheta fata, thla'ang fīcha hur fata shemeda. Nakən fatsə i cheta fata, fatsə pad i shemeda.

⁴⁵ Nakən kichu hur yaratkən, "Adamu tərka nifa sokka nifə tə shisshingtafa, ndukwalat Adamu shemeda lela fərkə shisshingta.

⁴⁶ Nga le naka i shemed naka tərakənwa, i punifəchita, kana i shemeda.

⁴⁷ Tərka nifa chekna hur furta a hur kisshita, chapatə nifa bakna hur afshi

⁴⁸ Nda ini chet nifa hur furtuyu, nakən kichuyu tə fichile naka i furta. Nda i'ni nat leni hur afshiyu, kichu pad natna nata kə fichile naka i hur afshi.

⁴⁹ Nda i'ni tørtəm mirshingta leni cheka hur furtuyu, kichu pad natma tər mirshingta le naka hur afshi.

⁵⁰ I nati mbwa'anda kuni, hwanmancha, ngusətta fadengnəm nda thlu tə fwara kə yimnda kuturəchita Farəwa. Kichu pad lə yirata ngu mbəs əna a ratə le nguchika yiratwa.

⁵¹ Kamthləmathi, ni mbwa'a əna kuni buḅweeta. Ngəma mərtə natəmwa, natəm nafīcha buḅwedandəkəmhi,

⁵² Nda nakənya a təbərta hwanitəhi, a mweshitmi kutmeta. Nafīcha pyandə kutmeta, thla'ang fīchə məmatcha tə fadi nguchika yirata, kana fīcha buḅwedandə kəmhi.

⁵³ Kəthləm fadi na yirata waat kə buḅwedang fīchəhi təle nguchika yirata, lela mərəkə pad kə buḅwedang fīchə təle nguchika mərta.

⁵⁴ Le na yirata ma buɓweda fichəhi tɔle nguchika yirata, le na mɔrta kɔ buɓwedang fichə tɔle nguchika mɔrta, a mbənniyu nat i yarandə fichəhi hur shunda Farə nan nəhhatəhi ndatwa: "Məhdafichə hanmurta, shera ficha al'en."

⁵⁵ "Ai hanmurta, mbəs'ənekuhara ayi? Ai hanmurta, alchidəku ayi?"

⁵⁶ Alchita hanmurta bəbichitfata, kus naka alchita bəbichitfata.

⁵⁷ Usoko Fara le fərang mbəs'əna kəmhar tɔ mbəda Ləmwadəngnəm Yəso Kərəsti.

⁵⁸ Kəthləm ndəkən hwanmanchinə ti yahti, thlaramhi kit, mə fohha ənkunidiwa. Kənding kɔ fərunə fechengnuni nat kɔ tora Ləmwanda, kəthləm shinuniwa bahtengnunihi hur Ləmwanda ngu nat pofənwa.

16

Kəsanda Fichilesə Nak Chidchid

¹ Nakənya pathlə kəsanda fichilesə nak chidchid, sam nda i ndadfi mbət ngəlhwanichi a Galatiyayu.

² A farə ladi, tərka chika yen mundə mud, chikawuni kəla dəfən hanndəbəltəhi kəlar hur i la mbəlaatən mbəsta kɔ kəsənhar, kəthləm ma bədi mənə hum'icha natsəwa.

³ Ma she'i ni thlən fichile hartunihar, ngəmtuni təkanda, tɔ yarat dəlwer kɔ dəndə tɔ fərpofən engnuni kɔ Urshelima.

⁴ Ma sokkənwa keekesi njang pad kɔ dfi, natnda dəfkədənji.

Tahasəfə i Wita

⁵ Ni bata mbədengnuni ma dīdī tē Makidoniya, kəthləm yahkisi kə dī tē Makidoniya.

⁶ Mbah kə si tolla mbədengnuni, mbahya ma kə mbərayi fektəhi mbənniyu, kəthləm kə kəsikunisi nat mbədi nati dēta.

⁷ Nga yahtengna kənikuni nakənya kə mbərihi ndakwa, dəfi hanndəkiketəsi kə muni tolla mbədengnuni, ma ngəma Ləmwandə.

⁸ Paḍ ni thlarəhi a Afisa kə farə Pentekos,

⁹ Kəthləm i'ni fichə mikəndəsə hauyang i tor nat tē mbəs'ənsi chika sokkən atikrechisə kaən.

¹⁰ Ma beḍ Timoti, kə ngəməngnguni kə kalən fathi hurnuni, kəthləm mələn ma na sət tora Ləmwandə nda i nati sətta.

¹¹ Mə cherinduni thlətndəwa, kə kəsangngunisa hur witə'en yuyur, kəthləm kə ngəraən i'na mbədengna, nja kəlata mba bat'en tē hwanmancha.

¹² Nakənya pathlə hwanmanəm Afolos paḍ, hwanadi tē alchitafa kə dəka mbədengnuni tē tahhət hwanmancha, nakən nga yahtə'en kə dən nakənyawa. Nan dēta ma mbish tē mbanda.

Mweshit Mi Shunda

¹³ Sokam tē tahhasəfa, kə thlaruni kit tē alchita a hur fərkitengnuni, kənuni nda hishcha, kənuni tē alchitafa.

¹⁴ I natuni sətnat kə suni hur mbənfata.

¹⁵ Hwanmancha, shinuni nofchi hura'a Istifanus kanda tərakə tərtəhi a hur hachahai Akaya, paḍ firndə fechengnanda kə sangndə tora fichile nak chidchid.

¹⁶ Nja hwanandə kuni kə fəranguni mwanda witə nofchiniyu, tē fichile naka shikechə torchengnani tē bahtengnani.

¹⁷ Shiki mbəndəfə tə bəta Istifanus, tə Fartunatus, tə Akaikus, le sokkə nda kunang baka.

¹⁸ Tərəndə hurengnəhi nat tə innuni. Witə nofchiniyu kəla fəranguni mwanda kanda.

Mweshitmi Ndat'icha

¹⁹ Fa tərmbayi Asiyayu kanda nda'icha kuni. Akila tə Biriskila tə fa tərmbayi la humkəhi hure'engnandəyu, kanda nda'icha kuni kaən hur thləm Ləmwanda.

²⁰ Hwanmanchi natta mbənniyu kanda nda'əna kuni. Kə ndangnguni icha ndani tə chidchid tə kəsndanihar.

²¹ Njang Bulus yarak ndat'ənadiya tə harengna.

²² Ma yunəsə nguchit mbənfat'ensi kə mbəda Ləmwanda, kənaka səbkən. Lə Ləmwada a bu.

²³ Kafata Ləmwandə Yəso kənan tə kuni.

²⁴ Malan mbənfadengna kənan tə kuni natuni hur Yəso Kərəsti. Kəsokən kichu.

Boga New Testament Portion Portions of the New Testament in the Boga language of Nigeria

copyright © 2023 The Seed Company in collaboration with Language
Developecs and Bible Translators Association

Language: (Boga)

Contributor: Language Developers and Bible Translators

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-07-02

PDF generated using Haiola and XeLaTeX on 1 Jul 2025 from source files
dated 2 Jul 2025

7ff1e4ab-f55d-5b63-a0cb-c9c683f93166